

中國方志叢書·華中地方·第四〇八號

據

清·洪汝奎等修，徐成敷等纂  
光緒七年刊本

影印

江蘇省

# 增修甘泉縣志

(七)



5431/09

成文出版社有限公司印行



中國方志叢書·華中地方·第四〇八號

據

清·洪汝奎等修，徐成敷等纂  
清光緒七年刊本

影印

江蘇省

# 增修甘泉縣志

(天)



543/09

成文出版社有限公司印行



\*10097857\*

中國方志叢書·華中地方·第四〇八號

據

清·洪汝奎等修，徐成敷等纂  
清光緒七年刊本

影印

江蘇省

# 增修甘泉縣志



成文出版社有限公司印行



中華民國七十二年三月臺一版

# 增修甘泉縣志

共九冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

增修甘泉縣志卷十五

甘泉縣知縣吳鄂峙 張宏運 王熙泰 原纂

陳觀國 揚州府教授李保泰續輯

徐成敷 桂正華 增訂

人物寓賢

陳謝哲字穎預陳郡陽夏人也祖朏梁司徒父諱梁右光祿大夫哲美風儀舉止醞藉而襟情豁然為士君子所重起家梁秘書郎累遷廣陵太守侯景之亂以母老因寓居廣陵高祖自京口渡江應接郭元建哲乃委質深被敬重高祖為徐州刺史哲表為長史荊州陷高祖

使哲奉表于晉安王勸進敬帝承制徵爲給事黃門侍郎領步兵校尉貞陽侯僭位以哲爲通直散騎常侍侍東宮敬帝卽位遷兼侍中高祖受命遷都官尚書豫州大中正吏部尚書出爲明威將軍晉陵太守入爲中書令世祖嗣位爲太子詹事出爲明威將軍衡陽內史秩中二千石遷長沙太守將軍加秩如故遷除散騎常侍中書令廢帝卽位以本官領前將軍高宗爲錄尚書引爲侍中仁威將軍司徒左長史未拜光大元年卒時年五十九贈侍中中書監

陳書

唐馬懷素潤州丹徒人寓居江都少師事李善家貧無

燈燭晝探薪蘇夜燃讀書遂博覽經史善屬文舉進士  
又應制舉登文學優贍科拜郿尉四遷左臺監察御史  
長安中御史大夫累轉禮部員外郎充十道黜陟使懷  
素處事平恕當時稱之使還擢拜中書舍人開元初三  
遷秘書監深爲予宗所禮令與左散騎常侍褚无量同  
爲侍讀上居別館以路遠則命宮中乘馬或親自送迎  
以申師資之禮病卒年六十謚曰文

舊唐書

蕭穎士字茂挺與李華同年登進士第李林甫採其名  
欲召用之時穎士寓居廣陵母喪卽縗麻詣師京徑謁  
林甫于政事省林甫大惡之卽今斥去穎士忿乃爲伐

櫻桃賦以刺云雖先寢而或薦豈和羹之正味嘗與李  
華陸據同遊洛南龍門三人共讀路側古碑穎士一閱  
卽能誦之是時外夷亦知穎士之名新羅使入朝言國  
人願蕭夫子爲師其名動華夷若此終以誕傲褊忿困  
躓而卒同上

竇常字中行其先扶風人結廬廣陵不苟調用講學著  
書凡二十年不就王武俊辟杜佑奏授校書郎充淮南  
叅謀官元和六年自湖南判官擢侍御史轉水部員外  
郎歷朗夔江撫四川刺史入爲國子祭酒致仕卒年七  
十贈越州都督子宏餘會昌中爲黃州刺史先簡



楊嗣復字繼之僕射於陵子也於陵爲潤州句容尉秩滿寓居揚州生嗣復浙西觀察使韓滉見之撫其首曰名位果踰於父楊門之慶也因字曰慶門七八歲已能爲文年二十進士擢第二十一又登博學宏詞科釋褐祕書省校書郎遷右拾遺直史館以嗣復深於禮學改太常博士開化二年歷仕戶部侍郎領諸道鹽鐵轉運使三年以本官同平章事領使如故進加下門侍郎武宗立李德裕自淮南入輔政出嗣復爲湖南觀察使明年再貶潮州刺史宣宗卽位徵拜吏部尙書至岳州卒贈左僕射諡曰孝穆

舊唐書

南唐遊簡言字敏中父恭仕吳知制誥卒於任簡言因  
僦居廣陵少孤力學以薦入徐知誥幕府齊國建職內  
史舍人一時典冊皆出其手筆知誥代吳擢翰林學士  
及南唐主璟立管禮部侍郎獨不附權要事非其任者  
未嘗肯言璟重其爲人命判中書省兼吏兵二部選事  
裁抑僥倖吳越攻常州執團練使趙仁澤歸錢唐仁澤  
不屈吳越王決其口至耳議遣使詰責羣臣畏懼莫敢  
往璟乃命簡言簡言不辭未出境召還璟命簡言輔太  
子力辭嘉其無徼後福意後主亦由是賢之拜吏部尙  
書親治簿書督責嚴峻人或以事請托必固違拂以左

僕射兼門下侍郎平章事卒諡宣靖 十國春秋

朱蘇紳字儀甫泉州晉江人進士及第歷宜復安三州  
推官改大理寺丞母喪寓揚州州將盛度以文學自負  
見其文大驚自以爲不及出是知名再遷太常博士舉  
賢良方正科擢尚書祠部員外郎進史館修撰擢知制  
誥入翰林爲學士累官侍讀學士集賢殿修撰知河陽  
徙河中卒 宋史

孫侔字少述初名處字正之世吳興人父及仕尚書都  
官員外郎簡州倅侔方四歲從其母胡氏家揚州母親  
教之侔雖幼已惕然能自傷其孤悲泣力學七歲能屬

文既長讀書精識系解能得聖人深意多所論撰皇祐  
間與臨川王安石南豐曾鞏遊知名江淮侔內行峭潔  
少許可不妄喜笑所居人罕識其面非其人造門弗見  
雖鄰不與之通詩文嚴勁簡古卓然一出于已自成法  
度如其爲人嘗舉進士不中母病且革頗恨不及見其  
仕侔嗚咽自誓林下終身不求仕進葬其親蘇州之陽  
山廬墓終喪久之親友勸復舉進士皆不聽從其兄觀  
往來南方見卒客居吳門徙吳興丹陽又徙真州平日  
閉門讀書鼓琴自娛體素羸喜親方書治藥餌未嘗傳  
經教授而學者聞其風旨多所開悟累爲當路者舉辟

皆不就劉敞知揚州論其賢以爲居則孝弟仕則忠信  
足以矯俗而不詭俗以干譽足以扶世而不偶世以自  
用求之朝廷呂公著王安石之流也侂初罷舉進士窮  
無所歸天章閣侍制王鼎以女妻之世多稱鼎爲好賢  
侂自奉儉約家人化之然以病日必肉食妻子相對蔬  
茹而已閨門之中雍雍如也元豐三年除通直郎致仕  
卒有詩四千篇雜詩三百篇兄觀亦有學行官至太常

博士

嘉靖維揚志

俞紫芝字秀老金華人流寓揚州少有高行不娶得淨  
屠心法所至條然而工於作詩王荆公居鐘山秀老數

相往來尤愛重之每見於詩所謂公詩何以解人愁初  
日芙蓉映碧流未怕元劉妨獨步不妨陶謝與同遊者  
是也秀老嘗有夜深童子喚不起猛虎一聲山月高之  
句尤爲荆公所亟賞和云新詩比舊仍增峭若許追攀  
莫太高秀老卒於元祐初惜時無發明之者不得與林  
和靖一流概見於隱逸其弟澹字清老亦不娶滑稽善  
諧諠洞曉音律能歌荆公亦喜之晚年作漁家傲等樂  
府數闋每山行卽使澹歌之然澹使酒好罵不若秀老  
之介靜一日見公云吾欲去爲浮屠但貧無錢置祠部  
爾公欣然爲置祠部澹約日祝髮旣過期寂無耗公開

其然澹徐曰吾思僧亦不易爲公所贈祠部已送酒家  
償舊債矣公爲之大笑

石林詩話

趙訓之字誨道秦悼王之五世孫父叔俛訓之登政和  
二年進士調東平儀曹知平江府吳縣朱勔怙勢役州  
縣訓之不爲屈勔嘗執數輩詣縣請治訓之悉縱之忤  
勔遂移疾去宣和末盜起河北訓之屢與人言契丹舊  
盟未可渝金人新好未可恃未凡金人犯京師訓之居  
揚州率大姓募士勤王聞都城失守乃止建炎三年知  
吉州永豐縣孟太后避地處州護衛統制杜彥與其麾  
下叛楊士雄應之將犯永豐訓之與尉陳自仁簡其兵

爲二一取問道遠賊後一據地利匿其精兵以誘之賊  
至伏發殲其眾會賊別校繼至官兵未成列訓之率數  
十輩拒戰厲聲罵賊與自仁俱被害事聞詔贈朝散郎  
直秘閣謚忠果自仁通直郎官其子邑人爲立祠

宋史

金應者性少剛知義爲文天祥職書司入京補承信郎  
天祥奉使被執左右皆散應獨無畔志及脫走鎮江至  
淮東以憂憤死焉

宋史

元張翥字仲舉晉甯人少負才雋豪放不羈一旦翻然  
易業閉門讀書留杭從仇遠先生學以詩文知名薄遊  
維揚居久之學者及門甚眾至正末傅巖起薦翥隱逸



召爲國子助教尋退居淮東會朝廷修遼金宋三史起  
爲翰林學士國子院編修官仕至河南行省平章政事  
仍翰林學士承旨致仕卒年八十二元史

李茂大名人徙家揚州父興壽臨卒語茂曰吾病且死  
爾善事母茂泣受命奉母孟氏益謹母嘗病日失明茂  
禱于泰山三年復明又每夕祝天乞損已年益母壽孟  
氏竟年八十四而歿居喪哀慟聞者傷之大德九年揚  
州再火延燒千餘家及茂廬皆風返而滅事聞旌之同  
張緝字士明益都膠州人性孝友能詩文至正七年與  
兄紳弟經同領鄉薦由澤州儒學正轉泰州幕職棄之